

**ПОЛНОЕ СОБРАНИЕ  
РУССКИХ ЛЕТОПИСЕЙ**

**Том 28**

**Летописный свод 1497 года.  
Летописный свод 1518 г.**

УДК 93  
ББК 63.3  
П51


П51 ПОЛНОЕ СОБРАНИЕ РУССКИХ ЛЕТОПИСЕЙ: Том 28. Летописный свод 1497 года. Летописный свод 1518 г. / – М.: Книга по Требованию, 2013. – 358 с.

**ISBN 978-5-518-92968-5**

**ISBN 978-5-518-92968-5**

© Издание на русском языке, оформление  
«YOYO Media», 2013  
© Издание на русском языке, оцифровка,  
«Книга по Требованию». 2013

# ЛЕТОПИСНЫЙ СВОД 1497 г.





Лѣтописецъ роускии от седмидесят и дву язык. Бысть словенъскии язык от племени Афетова нарицаемии Норцы, иже седяху по Дунаеви, идѣ же нынѣ Оугри и Болгаре; и от тѣхъ разыдошася по земли и прозвашася своими имены, сѣдше на котором мѣсте. Первии сѣдоша на рецѣ Морави и нарекошася Морави, а инии Чеси, а инии Хорвати и Бѣли, и Серби, инии Хорутане, а инии на Дунаи, и найдоша на них Волохи и насиляху<sup>а</sup> им. Они же б<sup>б</sup>-шедше и б<sup>б</sup> сѣдоша на Вислѣ и прозвашася Ляхи, а инии Лутичи, а инии Литва, а инии Мазовшане, а инии Поморяне. А инии сѣдоша по Днѣпру и нарекошася Поляне, идѣ же || б<sup>б</sup>-ныне<sup>б</sup> Киевская земля, иже были в них л. 1 об. три брата Кии, Щок, Хорив, по коего же имени Киев, той бо и первое созда его. А инии Древляне, сѣдоша бо в лѣсах. А инии сѣдоша межю Двины и Припети и нарекошася Дреговичи. А инии Полочане, иже на рѣчке Полоте, иже течет в Двину. А инии по озеру Илмерю, иже зовутся Новгородцы, сѣдлаша бо град и старѣишину Гостомысла посадиша. А по Деснѣ и по Семи, и по Суле Сѣвера. А инии Кривичи, иже сѣдят на верх Волги, и Двины, и Днѣпра, их город Смоленск и прочии Полотские. А в Ростовской землѣ и по Клѣвцину озеру и в прочих градѣхъ тѣхъ Меря. А на Белѣ озере — Весь. А на Оцѣ близ оустия — Муром. А инии свои язык имяху, Мордва и Черемиса. А Вельицы — от Словенен же. Сими же всѣми обладаху Русь, иже от Киѣва града, л. 2 и дань емляху на Чюди, на Новгородцѣхъ, на Мери, на Веси, на Муроме, на Черемисѣ, на Мордвѣ, на Перми, на Печерѣ, на Еми, на Литвѣ, на Зимголѣ, на Корсѣ, на Неровѣ, на Либи, иже на цолунощныхъ странахъ живут, от колѣна Афетова имущи свои язык. А инии, пришед от Скиф, иже суть Козари, сѣдоша по Дунаю, иже нарекошася Болгаре, а инии приидоша Оугри Бѣлии и сѣдоша в Словенской земли, прогнав<sup>в</sup> Волох при царствѣ Ираклиеве, иже на цари Хозроя ходиша Перскаго. А инии бяху Обри и насиляху<sup>а</sup> Словеном, и потреби их господь. А Вятичи сидяху верх по Оцѣ от Мурома. А Радимичи по Сѣже, сии бо приидоша два брата от Лихов, Ради[м] и Вятко,<sup>г</sup> и сѣдоша ту. По смерти же Киева рода обидяху род их Древляне || и инии страни.<sup>д</sup> А по сихъ имяху л. 2 об. на них Козари дань, иже мечь даяху им от дыма. Тогда прорекоша старцы их князю своему: «Си дань недобра, оружие их обоюдоустро, имати сим и на нас дань». Еже и бысть. В царство же Михайлово начася призывати Русская земля, при нем бо и ходиша Русь на Царьград, в лѣто 360.

И в лѣто 366. Михайло иде на Болгары. Они же не могуще противу ему стати, и покоришася 858 ему, и крести царь Михайло землю их. А в то время имяху дань Варязи из заморья на Чюди, и на Словенѣхъ, и на Веси, и на Кривичѣхъ. А Козари — на Полянсх, и на Сѣверѣхъ, и на Вятчех, по бѣле верецѣ от дыма.

[В] лѣто 370. Словѣне<sup>е</sup> выгнаша Варяг за море, и дани не начаша давати им, и начаша сами 862 владѣти собою, и бѣ многа в них неправда || и межюусобиць,<sup>ж</sup> и послаша опять к Варягом зовуще, л. 3 к себѣ княжити и владѣти над собою. И избрати к ним от Варяг три брата с роды своими. Перви Рюрик сѣде в Новѣгородѣ; втори Синеоус на Белѣозерѣ; трети Трувор в Изборсцѣ. И по двою лѣт Синеоус оумре, потом же брат его Трувор, и сѣде на всей земли Рюрик, а грады раздая мужем своим: иному Полтеск, а иному Ростов, а иному Бѣлоозеро. Нѣкая же два бѣста оу него, Асколд и Дир, не племени его, и сии отпросистася оу него к Царюграду, и, шед, сѣдоша в Киѣвѣ, и населиста град той Варяги многими, и начаша владѣти Полянскою землею, и бѣша ратни с Древляны и Оугличи. Родися оу Рюрика сын Игорь.

В лѣто 374. Ходи Асколд и Дир на Царьград во двоюсту кораблю и оступиша Царьград. 866 Патриарх же Фотии со всѣм || народом молбу сотвориша с плачем, и изнес ризу пречистые, омочи л. 3 об.

<sup>а</sup> в рукописи населяху, исправлено по Е    <sup>б-б</sup> дополнено по Е    <sup>в</sup> в рукописи прозвав, исправлено по Е  
<sup>г</sup> в рукописи Вапко, исправлено по Е    <sup>д</sup> в рукописи страни, исправлено по Е    <sup>е</sup> дополнено по Е  
<sup>ж</sup> в рукописи межюусобиць, исправлено по Е

в море, и воста буря велия и волны великия, и зби корабли русския, и мало оубъже их со Асколдом и Диром х Киеву.

868 В лѣто 376. Нача царствовати Василии Македонянин.

879 В лѣто 387. Оумре Рюрик, а Игорь мал оста. Он же предаст княжение Олгу, суцу от рода своего, <sup>а-</sup>и сына своего<sup>-а</sup> Игоря.

882 В лѣто 390. Олег со Игорем поиде из Новагорода в судѣх, и взя Смоленск, и пришед под Киев, и назвастаня гостями Подоугорскими, и вызваша к себѣ Асколда и Дира, и оубиста их, а сами сѣдоша ту княжити. И нача Олег грады ставити и дань оустави по всеи земли, с Новагорода по 300 гривен, иже и доньлѣ дают.

883 В лѣто 391. Олег, шед, дань возложи на Древляне и на Сѣверяне.

898 В лѣто 406. Оугри идоша мимо Киев и, пришед, стаха на Великих горах вежами || и взяша  
л. 4 тамо сущие люди, Волыньскую землю, и Волохи, и сущих близ ту Словен покориша под себе, и оттоме прозваша земля Оугорская, тако же и горы тѣ. И начаша воевати на Греки, и плѣниша землю Фраческую и Македонскую, и до Селуня, и на Словены, и на Мораву, и на Чехи, и на Болгары, и на Ляхы.

И в лѣта Михаила царя. Болгарскии князи Святополк и Кочел послаха к нему, просяще оучителя. Он же посла в Селунь ко Лву. И той посла к нему сыны своя, Мефодия и Коньстантина, философы суца. И царь посла я в Словенскую землю, к болгарским князем Ростиславу, Святополку и Кочелу; и составиша азбукву и списаша книги, и оттуду нача быти грамота в Руси.

Мефодия же постави Кочел князь епископом в Панию, на стол Андроника апостола, его же Павел  
л. 4 об. постави; а Константин иде || в Болгары оучити, и оттолѣ прозваша грамота словенская.

902 В лѣто 410. Леон, ная Оугры, и поплѣниша землю Болгарскую. Семен же Болгарскии иде противу их и побиха его, а он оубъже в Дереть.

903 В лѣто 411. Олег жени Игоря, поя за него от Пекова Олгу.

907 В лѣто 415. Олег ходи на Греки со множеством вои, в дву тысящ кораблих, а с ним Словене, Чюдь, Кривичи, Меря, Поляне, Сѣвера, Деревляне, Радимичи, Витичи, Хорваты, Дулѣпы, Тивиричи. И поплениша всю землю. И оступиша Царьгород. Они же препяша чѣп. Олег же извлек корабли, и поставиша на колеса, и въздяша парусы; и бысть покосен вѣтр, и поидоша в кораблих ко граду по суху. Грецы же, оубоявшеся, яшася по дань, на человекѣ дати по 12 гривен, а баше  
л. 5 боицев по 40 в корабли. Он же || сотвори мир с царьми Леоном и Александром, и давати начаша и на грады русския выход: на Киев, и на Смоленск, и Ростов, и Любечь, и на прочих. Тако<sup>б</sup> мир оустроив, отиде, а щит свои повѣси въ вратѣх оу них. И зваху тогда люди Олга Вѣщим.

910 В лѣто 418. Явися на западѣ звѣзда копейным образом.

912 В лѣто 420. В осени Олег оумре оуден скоропиею из главы коня своего, княжив лѣт 33, погребен на Шековице горѣ.

913 <sup>в</sup>-Княжение Игорев<sup>о</sup>. В лѣто 421. Нача княжити Игорь, а в Цариградѣ — Коньстантин, сын Леонов. Древляне же затворишася от Игоря.

914 В лѣто 422. Игорь, шед, взя Древляны и дань возложи на них болши Олговы, и Оуглицы  
л. 5 об. взя и даст их воеводѣ своему Свѣнтелду. Сѣдяху же Оуглицы вниз по Диѣпру. А под Пересѣчном стоя три лѣта и едва взя их. Дастъ же Игорь || деревскую дань Свѣнтелду же, и рѣша ему дружина: «Почто толико дал оси единому?» Имаше бо по чериѣ куйѣ от дыма.

915 В лѣто 423. Приидоша Печенѣзи на Русь, и сотвори Игорь мир с ними. Тогда же Семен Болгарскии воева Фракию, и выидоша на нь Грецы, и побиха Семен, и взя Андриянград.

920 В лѣто 428. Поставлен на царство Роман Костянтином и Николою патриархом.

929 В лѣто 437. Семен Болгарскии поплени Фракию и Македонию, и прииде на Царьград в силе велицѣ, и сотвори мир с Романом.

934 В лѣто 442. Оугры идоша на Царьград, и створи Роман мир с ними.

<sup>а-а</sup> дополнено по Е    <sup>б</sup> в рукописи тамо, исправлено по Е    <sup>в-в</sup> в рукописи написано на полях

В лѣто 449. Иде Игорь на Греки в 10 тысячах людий и повоева страны Финичския, и по Понту, 841 и до Ираклия, и до Фафлегоньския земли, и всю Никомидийскую землю поплениша, и много || зла л. 6 сотвориша. Потом же приидоша на них Панфир деместик с 4000 вои и Фока патрекѣи с Македоняны и Феодор стратилат с Фраки, и побѣдиша Русь. Они же бѣжаша в лодиях. И на тѣх Роман отпусти из Царяграда Феофана патрекѣи в лодиях. И тои, шед, русския лодия разруши, и оустроенным огнем пожже, пуца бо трубами<sup>а</sup> огнь на них. И Русь от пламени в воду вмѣтахуся, и тако побѣгоша посвоися. И нача Игорь многи воя совокупляти.

В лѣто 450. Семен ходи на Хорваты, и побѣжден бысть, и по сем оумре, и сѣде на Болгарѣх 942 сын его Петр.

В лѣто 452. Игорь со множеством вои иде на Греки, хотя мстити себе. И то слышав Корсунцы, 944 послаша к Роману, повѣдающе: «Русь <sup>б</sup>-идет на тя<sup>б</sup> и Печенѣх паяли»<sup>в</sup>. Роман же посла против Игоря лучших бояр своих, имаяся по дань || выше превья Олговы. Игорь же, возложив дань л. 6 об. на них, возвратися от Дуная в Киев и нача княжити, мир имѣя ко всѣм странам. И начаша ему дружина глаголати: «Отроцы Свинтелѣки изодѣлися всѣм, а мы нази». И послуша их, Игорь иде в Древяны, и возложи велику дань на них, и много насилие сотвори им, и, вземь дань, поиде в Киеву. И потом отпусти з дапию всѣх людеи вперед, а сам вмалѣ возвратись в Древяны. Здумавши же Древлене со князем своим Малом и оубиша Игоря оу Коростеня града, тоу же и погребен бысть. И оста по нем сын его Святослав мал. Дядка же бѣ оу него Асмудл, а воевода Свинделд. И нача княжити Олга, княгини Игорева. И прислаша к неи Древлене лучших людеи 20 человек, хотяще повяти ю за князь свои Мал. || Она же живых в лодѣи велѣ, в ров кинув, засыпати, л. 7 и посла в Древлены, глаголя: «Да аще хотите мя право за князь вап, то прииштите по мя нарочитых людеи». Они же избраша 50 человек и послаша. Она же тѣх в бани заже и потом посла к Древяном, глаголя: «Се оуже иду к вам, да пристроите оу града меды многи, да сотворю тризну мужу своему». И прииде не во мнозѣ, и сотвори плачь над мужем своим, и ту оупои Древяны, и оуби их 5000, и возвратись в Киев, собра воя многи.

В лѣто 454. Поиде Олга и с сыном Святославом на Древяны. Они же выидоша противу 946 на бои, и побити быша, и бѣгше затворишася во градѣ. А Олга поиде к Коростеню и осѣде его, а они крѣпко бияхуся. Олга же, стояв лѣто, нача просити оу них за дань со всякого || двора по три л. 7 об. голуби да по три воробьи, и даша. И к вечеру повелѣ Олга заверчивати в плат сѣру со огнем, и привязовати к ним, и отпущати. И тако загорѣся весь град, и которые выбѣгоша, тѣх изби, а пных работѣ предаст восм своим. И взем всѣ грады их и, прия землю ту, иде х Киеву.

В лѣто 463. Иде Олга в Греки, и крещена бысть царем Иоанном Чемским, и иде х Киеву 955 с многими дары.

В лѣто 472. Князь Святослав возмужа оуже и нача вои совокупляти многи храбры. Бѣ же 964 и сам храбор и легок велми и творяше воишы многи. Воз же по себѣ не возиша, ни котла, ни шатра, мяс бо не варяше, но, тонко изрѣзав, на оуголии печаше, спаше же на воилоцѣ, сѣдло в головах.

В лѣто 473. Иде на Козары Святослав. Козари же выидоша против ему с князем || своим 965 Каганом и побѣди их, и грады их Бѣлую Вежю взя, и Ясы побѣди, и Касоги. л. 8

В лѣто 474. Святослав на Вятичи дань возложи. 966

В лѣто 475. Иде Святослав на дунаиские Болгары, и, бившемся им, одолѣ Святослав, и взя 967 по Дунаю 80 градов, и сѣде княжа в Переславцѣ.

В лѣто 476. Приидоша Печенѣзи х Киеву. Олга затворися со внуки, с Ярополком, и Олгом, 968 и Володимером, а Святослав бѣ в Переславцѣ. Мало же Печенези не взяша Києва, аще бы не пришел в судѣх со оное страны воевода Прѣтичь с воиши, и воструби, и Пѣченѣзи, оубоявися, отидоша, а Олга со внуки выиде к судом из града. Князь же печенегский един возвратися к Прѣтичю и рече: «Князь ли еси ты?» Он же рече: «Воевода есмь его, а князь по миѣ иде со множеством вои». И подаста меж себе руки, || и да Прѣтичю конь, саблю и стрѣлы, а он ему брони: щит, мечь, и л. 8 об. разыдошася. И посла Олга и княжѣ к Святославу, глаголющи: «Ты ищещи чюжих земель, а здѣсе

<sup>а</sup> в рукописи труба, исправлено по Е    <sup>б-б</sup> Дополнено по Е    <sup>в</sup> в рукописи не явл, исправлено по Е

Пѣченѣзи твою взяли, токмо града не взяли, с матерію и дѣтми твоими». Он же вборзѣ, пришед, иде на Печенѣги и прогна их в поле.

969 В лѣто 477. Пришед Святослав, прогна Печенѣг и рече матери и боляром своим: «Хощу в Переславли жити в Дунаи, тои бо срѣди земля моя естъ, яко ту ко мнѣ все идет: от Грек паволоки, и злато, и вино, и оwoць, а из Угр сребро и кони, а из Русп скоро, и воск, и мед, и челядь». И рече ему мати: «Аз есмь при смерти оуже, да погребѣ мене, <sup>а</sup> а по мѣгъ<sup>а</sup> камо хощеши». И по трех днех преставися Олга, и нес погребоша ю, идѣ же повелѣла, и не сыпаша могилы над нею л. 9 и тризны не твориша по повелѣнью ея; отпѣ же || и надгробное орсѣ над нею, его же держала оу себе. Се бысть предтеча<sup>б</sup> Русской земли в хрестіянство.

970 В лѣто 478. Святослав сына Ярополка посади в Киевѣ, а Олга — в Деревѣх, а новгородцы, пришед, испросиша си Владимера, наоусти бо их оуи его Добрыня. Бѣ бо сего роди от Малуши, ключницы Олгины, сестры сего Добрыни, а отец бѣ оу них Малко Любчанин. И поиде с новгородцы Володимер и Добрыня с ним. А Святослав иде к Переславцу. И затворишася от него Болгаре в Переславцы, а против его выидоша на сѣчю. И бысть им бой силен, начяша Болгаре одолѣвати. И рече Святослав своим: «Оуже нам пасти здѣ, потягнем мужески и одолѣем». И взя град их, и к Греком посла, глаголя: «Хощу ити на вас. И тако же сотворити вам, яко же и сим». И || отвѣщаша ему цари Василко и Костантин: «Мы против тебе не ставимся, но возми дань на нас, но скажи нам колико вои имаши, да дамы на главы». Он же рече: «20 тысящ. А бѣ их 10 тысящ. Они же дани не даша, а вои пристроиша против его 100 000. Святослав же иде на них, а сии противу их Грецы с 100 000 вои. И видѣвше же Русь оубояшася, и рече своим Святослав: «Оуже не имам камо ся дѣти, не посраим земли Русския, станем против их и ляжем костьми здѣ, мертвы бо срама не имат, аще ли бѣжим, то срам имам, а не оудем одинако, но станем крѣпко, аз же преже всѣх главу свою положу, тогда же о себѣ промыслите». И рѣша вои: «Идѣ же глава твоя, л. 9 об. ту и паша преже будет». И егда ступишася, и бысть сѣчя зла, и одолѣ Святослав, || и поиде по них, избивая их, и грады их разбивая, еже естъ и донынѣ пусты. Царь же посла к нему, искушая его, посла со многими дарми златом и паволоками. Он же не позазрѣ на то. И царь второе посла дослѣх и оружие. Он же с любовію прият. И рѣша Грецы царю своему: «Имися по дань, сеи бо муж зол хощет быти, о златѣ небрежет, а оружие любит». И яшася по дань, оуже бо близ Царяграда пришел. Взяша велику дань на них, и на оубиенных има, и возвратися, оубояся к Переславцу ити, бѣ бо мнози вои его избиты, и рече: «Поидем в Русь и болѣ дружины приведем». А к царю в Редестр посла о миру. Царь же рад бѣ и посла к нему дары многи. Он же посла к нему своя л. 10 об. послы, и сотвориша мир. И поиде в лодиях || к порогом, а Свинтелд рече ему: «Не ходи, княже, стоят Печенѣзи в порозѣх, но на коших поиди около». И не послуша его. А то переславцы слыша, послаша к Печенѣгом, глаголюще: «Идет вы Святослав со множеством имѣния вмалѣ». Они же заступиша, пришед, пороги. А Святослав, пришед, зимова в Бѣлобережьи, и глад их велик изнама: купяху бо конячю главу по гривнѣ. Приспѣвши же веснѣ, и поиде Святослав к порогом.

972 И в лѣто 480. И ту оубиен бѣ от Куряти князя печенѣжска. А во лбѣ его чашу сдѣлаша, златом оковав, и пняху из нея, а написаша на неи сице: «Чюжих желан, своя погуби». А Свинтелд прииде к Киеву, к сыну его Ярополку. Княжи же Святослав лѣт 28.

973 В лѣто 481. Сѣде на княжение Ярополк. Воевода же бѣ оу него Блуд.

975 В лѣто 483. || Оуби Олег Святославичъ в ловѣх у Свинтелда сына Люта, и за то Свинтелд л. 11 безпрестанно поощеваше Ярополка на Олга, да возмет власть его, хотя мечь сотворити про сына.

977 В лѣто 485. Поиде Ярополк на брата Олга в Древскую землю. Он же против его изыде. И бысть брань оу Вручег.<sup>в</sup> И одолѣ Ярополк. И Олег же бѣже во град, и сохнуша его бѣжащего вои его с мосту в гроблю, в дебрь, а инии мнози на нь падоша. Ярополк же вшед во град, нача пытати о братѣ, и рече един древленин: «Аз видѣх, спехнуша его с мосту». И едва доискашася его под многими людьми и, вынесъше, положиша его. Рече же Ярополк Свинтелду: «Яже сего ты

<sup>а-а</sup> дополнено по Е    <sup>б</sup> в рукописи притча, исправлено по Е    <sup>в</sup> в рукописи Вручег, исправлено по Е

хотѣл. И погребоша Ольга оу Вручег. То же слышав Володимер в Новѣгородѣ и бѣже за море. Ярополк же посла || Новѣгород намѣстники своя. И бысть един властелин в Руси Ярополк. **А Во-** лодимер, многи Варяги совокупив, и пришед в Новѣгород, сосла намѣстники Ярополковы, рек им: «Рцѣте<sup>а</sup> брату моему: буди на брань готов, Володимер идет на тя». А сам из Новагорода посла к князю Рогволоду в Полтеск, прося за ся дщери его Рогнѣди. Бѣ же и сси пришед из-за мория, сѣде ту княжа. И вопроси дщери своея, и рече она: «Не хошу за робичича, но за Ярополка». То же слышав Володимер, поиде на Рогволода с Варяги, и з Словяны, и Кривичи, и с Чюдью и, шед, оуби его и два сына его, а Рогнѣд поя за собя. И оттуду иде на брата Ярополка в Киеву. Он же, не возмог стати противу ему, затворися в Киевѣ. Володимер посла к воеводѣ его Блуду о приятельствѣ, како бы оубити || Ярополка, а его отцем называя. Он же общася. И тако хотяше л. 11 об. сам оубити его, но не мѣлъ бѣ ему. И посла к Володимеру, велѣ приступати ко граду. Ярополку рече: «Не седи здѣ, слют бо ся люди к Володимеру, хотяще предатися». Он же, ем вѣры ему, бѣже в Роден, на оустѣ Оурси, и затворися. А Володимер, взем Киев, иде к Родню. И тамо бѣ им глад крѣпок, в Роднѣ сущим с Ярополком. Блуд же нача глаголати Ярополку: «Мирися з братом, мнози бо вои оу него». А к Володимеру посла, глаголя: «Приведу ти Ярополка, а ты пристроися на нь». Ярополк же посла к Володимеру, глаголя: «Что ми даси, то возму». Он же рече: «Створю тако». И рече Блуд: «Поиди же к исму». А Володимер бѣ в теременом дворѣ. И не повеляше Ярополку Варяжко, и не послуша его. Яко же входящу ему в двери к брату, || и оудариста два Варяга ме- л. 12 об. чем под пазушѣ, а Блуд затвори двери о нем, и оумре ту. Варяжко же бѣже в Печенѣги и много воева па Володимера, и сдва же приваби его и заходив к нему роты. Тогда же Володимер заляже и жепу братню Грекиню не праздну, иже бѣ преже черница, ю же плѣнив отец их в Грецѣх, даст за Ярополка. От нея же Святополк родися. Тогда же Варяги отпусти к Новугороду, а лучших избра от них, раздая им грады русския, а от тѣх посла Царюграду, да росточат их, еже и бысть над ними. Володимер же нача княжити в Киевѣ.

В лѣто 488. И постави кумиры: Перупа древяна, а главу серебряну, а оус злат; и Харса, 980 и Дажба, и Стриба, и Сѣмаргла, и Мокошь, им же вси люди жряху. Добрыню же в Новѣгороде посади, || и той тамо кумиры над Волховом постави, Перупа же. Володимер же побѣжден бѣ похо- л. 13 тию женьскою. И бѣ оу него болшии Рогнѣди, иже бѣ посаждена на Лыбеди, в селцы, иже бѣ нынѣ Преславино. Та же оубити хотѣ его, ножем зарѣзати, от нея же роди Изяслава и Мстислава, Яро- слава, Всеволода и дщери двѣ. А от Грекини Святополка. А от Чехини — Вышеслава, а от другие Чехини — Святослава, Станьслава. А от Болгарини — Бориса и Глѣба, а от ииѣх — Судислава и Позвизда. Бяше бо оу него, кромѣ тѣх жен, наложниц: 300 в Вышегородѣ, а 300, иде же бѣ Бѣльгород нынѣ, а 200 на Берестовом<sup>б</sup> в селцы.

В лѣто 489. Володимер ходи на Ляхи и зая грады их: Перемышль, Червен и прочии. И Вя- 981 тичь, шед, победи.

И в лѣто 491. Ятвяги победи. В том же лѣте творя жертву трем кумиром своим, || мечющи 983 жребия на сыны и дщери своя, иже паде па нѣкотораго Варяга сына, христиана суца. Он же л. 13 об. не даст сын, но и сам изволи оумрети и суцци с ним, и тако, пришед, избиша их всѣх.

В лѣто 492. Посла Володимер на Радимичь Волчьа Хвоста и побѣди их. 984

В лѣто 493. Володимер ходи з Добрынею на Болгары Нижнии и покори их под ся, иже и 985 рѣша: «Коли имет хмель грязнути, а камень плавати, тогда не будет мира межъ нас».

В лѣто 494. Приходиша к Володимеру Срацини, и Нѣмцы, Жиды, и Грецы, кииждо вѣру 986 свою хваляще.

О вѣрс.<sup>в</sup> В лѣто 495. Посла Владимир мужен своих всѣх вѣр пытати. Они же, ходивше, паче 987 всѣх возлюбиха вѣру христианьскую.

В лѣто 496. Владимир внят си мыслию о вѣре христианьствѣ, и не даша ему бояре его, ркуще: 988 «Еще испытаи до||полна, но сия лучши есть всѣх, и баба твоя возлюби ю, иже бѣ всѣх моудрѣе». л. 14 Он же поиде в Корсуню и много стоя под ним. Нѣкто же Настас именем стрѣли из града, написав

<sup>а</sup> в рукописи далее ему, зачеркнуто теми же чернилами <sup>б</sup> в рукописи Бестовом, исправлено по Е в рукописи приписано киноварью на полях

- на стрѣлу, глаголя: «Кладязи от востока, иже за тобою, и от тѣх по трубам вода идет». И прескопаша. И люди, изнемог, предашася. Он же вшед во град и посла к царем цареградским, Костантину и Василию, прося за ся сестры их Анны: «Аще ли не дадите, то и вам сице сотворю, яко же и сему граду вашему». Они же послаша к нему: «Аще не крестишися, то не дамы». И отсла им: «Есть ми любя вѣра ваша, аще прислете сестру вашу ко миѣ, да крещуся». И едва оумолиша царие сестру свою и послаша к нему, а он в то время в недуг очныи виаде, а царевна прииде с прозвитеры своими || в Корсуню в кораблих. Корсуняне же, вышед противу ея и вшед во град, посадиша ю в полату. И посла она к Володимеру, рекущи: «Аще не крестишися, не избудеши тоя болѣзнии». И повелѣ креститися. Яко же возложи на нь епископъ корсуньскый руку, он же прозрѣ и прослави бога. Крести же ся в Корсуни, в церкви святаго Якова на Торгу. По крещении же ту и царицу поя за ся, и взем моци святаго Климента и Фива, оученика его, и Настаса Корсунянина, поят с собою, и прозвитеры и саповники, и иде в Киеву. Тако же понмав сосуды церковныя и иконы, а в Корсуни церковь постави на горѣ, ю же ссыпаша гражданае, крадуще,<sup>а</sup> егда он стояше, сыпляше в ров. И пришед в Киев, изсѣче идолы и в воду вмета, а люди крсти, и повелѣ младешцы, смлочи,
- л. 15 об. грамотѣ оучити. || И потом раздѣли землю сыном своим: старѣшнему, иже от Чехини, Вышеславу Новгород, Изяславу . . .<sup>б</sup> Потом же оумре Вышеслав, и даст Новгород Ярославу, а Ростов — Борису, а Глѣбу — Муром, а Святославу — Деревы, Всеволоду — Володимерь, Мстиславу — Тмуторокань, Станиславу — Смоленск, Судиславу — Псков. А сам нача ставити грады по Деснѣ, по Вѣстри, по Трубежи, по Сулѣ, по Вѣстугнѣ, и насели их Словены, и Кривичи, Чюдю, и Вячичи. А с Печенѣги воевашася и одолѣваше ям, много бо брань творяху ему.
- 989 В лѣто 497. Созда первую церковь камену Георгия, иже празднуют ноября 26.
- 990 В лѣто 498. Ходи Володимер в землю Суздальскую и тамо град во свое имя заложи Володимер, иже на Клязмѣ, и церковь в нем постави древяну, || святую Троицу, и всѣ люди и ту крести.
- л. 15 об. 991 В лѣто 499. Володимер взя из Царяграда оу Фотия патриарха перваго митрополита Леона, а Новугороду — архиепископа Иоакима Корсунянина, тако же и по илым градом епископов, и прозвитеров, и дияконов, иже крестиша всю землю Русскую. А Яким, пришед в Новгород, идолы сокруши, а Перуна, посѣк, вверже в Волхов. Его же влечаху, по калу биюще, а в нем бѣс вопияше:<sup>в</sup> «О горе, ох миѣ, доста же ся немилостивым рукам». И вринуша его в Волхов. Он же плывя сквозѣ Великий мост, и верже древо на нь, глаголя: «Сим тѣпашеся, людие новгородстии, и поминайте мене». На нем же и нынѣ безумнии челоувѣцы оубивающеся, оутѣху творят бѣсом.
- л. 16 992 Приби жи ся Перун к берегу, и, вышед рано, видбляния рече: «Оуже || ты небоже Перушица, досыти здѣ хлѣба ѣл», и отринуша его шестом, глаголя: «Пловы ис свѣта окопное». Того же лѣта созда Владимир церковь святую Богородицу Десятинную, и оукраси ю книгами, и поручи старѣшнпство иерею Настасу Корсунянину.
- 993 В лѣто 500. Владимир заложи Бѣльгород.
- 993 В лѣто 501. Побѣди Владимир Хорваты.<sup>г</sup> Того же лѣта приидоша Печенѣзи к Трубежу, и изыде Володимер противу их. Они же выведоша мужа велика, силна, глаголющи: «Аще против сему да будете противна боротися, и аще ваш оубиет, да не воюем за три лѣта; аще ли наш оубиет, то воевати имамы». Володимер же едва добы отрока, иже оуби Печенѣжанина, и побѣгоша прочии,
- л. 16 об. а сии погнаша по них, сѣкуще. Ту же на броду том заложи Володимер || град Переславль, и сотвори отрока того великим мужем, тако же и отца его.
- 996 В лѣто 504. Приидоша Печенѣзи к Василеву. Володимер же против их в малѣ изыде, и не мог стати противу их, и едва оукрыся их под мостом, и обѣщася поставити ту церковь Преображение, то [и] бо праздник бѣ тогда, и постави церковь.
- 997 В лѣто 505. Приидоша Печенѣзи на Бѣльгород, а Володимер тогда бѣ в Новгородѣ, и хотѣша оуже [с] гладу предатися. Един же от них домыслився, и воставѣ три кади в землю, добыв муки и сотвори кисель, налия кадъ едину, а двѣ сыты. И возвав Печенѣг в город, показаша им.

<sup>а</sup> в рукописи грядуще, исправлено по Е    <sup>б</sup> в рукописи оставлен пробел для 5—7 букв    <sup>в</sup> в рукописи попяще, исправлено по Е    <sup>г</sup> в рукописи Ховраты, исправлено по Е